

1635_023.jpg

Histoire de nostre Temps. 23

La quatriesme armée du Roy estoit en Italie, *La quatriesme en Italie.*
 sous la charge du Duc de Crequy, qui se ioignit
 à celle des Princes de la ligue faite pour conser-
 uer la liberté d'Italie contre les desseins de l'Es-
 pagnol; en cette ligue le Duc de Savoie & le
 Duc de Parme estoient entrez.


La cinquiesme armée de France destinée pour *La cinquiesme en la Valteline.*
 la Valteline, estoit commandée par le Duc de
 Rohan, ioinct avec les Grisons & les Venitiens
 pour conseruer cette vallée contre les efforts
 d'Autriche & d'Espagne.

Pour la premiere qui estoit en Lorraine, sous
 la conduite du Duc d'Angoulesme, & du Ma-
 reschal de la Force, elle eut affaire au Duc Char-
 les, au Colonel Iean de Werth, Coloredo & au-
 tres, tant Imperiaux que Lorrains, qui se pro-
 mettoient avec leurs forces en chasser nos Fran-
 çois, qui s'y sont maintenus iusques à present,
 nonobstant tous leurs efforts.

Au mois de Septembre le Roy s'achemina *Le Roy va en Lorraine.*
 vers la frontiere de Lorraine, pour par sa pre-
 sence contenir les armées de sa Majesté en leur
 deuoir; & estant à Bar-le-Duc, il eut aduis que
 les habitans de saint Mihel s'estoient reuoltez,
 & faisoient mine de garder la place & se def-
 fendre, sur l'esperance d'estre secourus du Duc
 Charles, le Roy iustement irrité d'une telle re-
 bellion, commanda au Mareschal de la Force
 de prendre vne partie de l'armée & l'aller assie-
 ger, ce qu'il fait; on tira de Verdun le canon
 & les munitions necessaires pour ce siege; la s. Mihel as-
 siegée, & les approches faites, on dresse

B iij

1635_024.jpg



24 M. DC. XXXV.

deux batteries; l'opiniastreté de ces habitans
ne s'estonne point à la veüe de l'armée du Roy,
se refout à se bien deffendre: mais la batterie
ayant commencé à ioïier fit des effets, tels que
les deffenses de la ville furent rompuës; ces
mal aduisez habitans reconnoissans leur foi-
blesse & leur faute, mais trop tard, voyant
qu'on les alloit forcer, eurent recours à la mi-
sericorde du Roy, & rendirent la ville; mais
pource qu'il importe à l'honneur & au seruice
de sa Majesté de chastier la rebellion, & afin
que le chastiment de ces habitans donnast
exemple aux autres places de Lorraine de n'en-
courir telles peines, & de se contenir en l'o-
beïssance, sa Majesté voulut que ceux qui
auoient porté le peuple de saint Mihel à se re-
beller, fussent pris & enuoyez seruir sa Majesté
en ses galeres: le Roy pour empescher que la
place ne retournast à l'aduenir à pareille des-
obeïssance, y laissa le Comte de Thiangés Ma-
reschal de camp pour y commander, avec char-
ge de faire trauailler à la demolition des mu-
railles de cette ville & de son chasteau; cela
fait le Roy partit, & se rendit à saint Germain
en Laye le 22. d'Octobre.

*Et les habi-
sans rebelles
chastiez.*

*Prisonniers à
la Bastille.*

Le lendemain 23. le Comte de Carmain fut
mis à la Bastille, & le 24. en sortirent le Marquis
de Tauanes Mareschal de Camp, & le sieur Ar-
naud Maistre de Camp general des Carabins, &
furent menez dans l'Arsenal à Paris dix pieces
de Canon de ceux qui furent gagez sur les Es-
pagnols à la bataille d'Auein, avec leurs muni-
tions & attirail traifnez par 450. cheuaux.

Le D
pes, se
sans fa
sur la f
sujet
contro
qu'il
cens
assail
re d'E
Jean
pres
les R
euten
sans v
du Ba
En
prend
aux q
Chast
tous t
surpre
qui co
auque
du Ro
Ce
battu
le der
mâdé
goulet
cheua
Regim
les sieu

1635_025.jpg

Histoire de nostre Temps. 25

Le Duc Charles pour faire subsister ses troupes, se retrancha puissamment à Ramberuilliers sans faire aucun progresz notable. Seulement sur la fin de Septembre le Baron de Clinchant, sujet du Roy, mais qui a pris le party du Duc, contre tout deuoir d'obeissance & de fidelité, qu'il doit à sa Majesté, courant avec cinq à six cens cheuaux entre Mets & le Pont à Mousson, assaillit & chargea les Compagnies du Vicomte d'Estanges & de saint Maigrin, pendant que Jean de Werth se trouuant avec ses troupes pres de Toul, dissipa vn conuoy conduit par les Regimens de Commieres & de Vigneux, & eut emmené les chariots chargez de munitions, sans vn secours enuoyé de Nancy sous la charge du Baron de Nantueil, qui les sauua.


Le Duc Charles se retrancha à Ramberuilliers.

En eschange de quoy l'armée du Roy reprend sur les Lorrains le Chasteau de Mandre aux quatre Tours; le Vicomte de Turenne les Chasteaux de Clemery & de Port sur Seille, tous trois prés de Mets, & le Colonel Gassion surprend & raille en pieces deux cens cheuaux, qui conduisoient vn conuoy au Duc Charles: auquel temps le Marechal de la Force receut du Roy vn renfort de six mille hommes.

Ce fut alors que le Baron de Clinchant fut battu & deffait par le Colonel Gassion, lequel le dernier iour de Septembre ayant esté commandé par Messieurs les Generaux le Duc d'Angoulesme & le Marechal de la Force, avec cent cheuaux de son Regiment, & 80. Dragons du Regiment du Cardinal Duc, commandez par les sieurs de Crenan & de la Riuiere, suiuy des

Baron de Clinchant deffait.

1635_026.jpg



1635_027.jpg


Histoire de nostre Temps. 27

lonel, l'autre par son Maior, en laisse la moitié à Mirecourt, & met l'autre dans vne embuscade sur le chemin de l'ennemy. préiugeant ce qui aduint, que s'il estoit forcé par le plus grand nombre d'hommes du Baron de Clinchant, les ennemis ne se voyans que peu de gens en teste, enseroient plus negligens, & s'amuseroient à conduire le conuoy dans l'armée du duc Charles, ce qui les mettroit hors d'estat de combattre. Et de fait le Colonel Gassion poursuivant son chemin avec sa troupe, rencontre le Baron de Clinchant qui l'atendoit au passage, là il fallut se battre, & la meslée fut si chaude, qu'après vne longue resistance & perte de huit des siens, le Colonel Gassion fut contraint d'abandonner son conuoy aux ennemis, qui n'en jouirent pas long-temps: car en ayant promptement donné aduis à ses Caualliers qu'il auoit laissez à Mirecourt, au nombre de 150. ils se rendent aussi-tost à luy, qui s'estant mis à leur teste retourne à la charge avec tel courage, qu'il fit lascher le pied aux ennemis, en tua quantité, reprit les bleds & ses chariots & quelques prisonniers, & les poursuuant ils furent contraints de plier, & luy donnerent temps de faire conduire son conuoy à Espinal.

Combat entre le Colonel Gassion & Clinchant.

Le cinquiesme d'Octobre nos Generaux logez à saint Nicolas, sçachant que douze cens hommes de l'armée du Duc Charles estoient sortis de Rambervilliers, & s'estoient logez à demie lieuë d'eux, incommodans fort l'armée du Roy par leurs courses, donnerent ordre au mesme Colonel Gassion de les aller charger &

1635_028.jpg



28 M. DC. XXXV.

Autre combat contre les gens du Duc Charles.

enlever leurs quartiers, luy donnans à cet effect deux compagnies de chevaux legers, & vne de gens de pied, outre son Regiment de Caualerie, faisans en tout cinq à six cens chevaux, lesquels il partagea en trois corps, en plaçant le premier à demie lieuë des ennemis, & le second à vne portée de mousquet des mesmes, & prenant avec luy le troisieme corps il suprend les Vedetes des ennemis, les tuë & met l'alarme dans leurs quartiers, vne partie desquels monta promptement à cheual, & se fit vn long combat où furent tuez quantitez d'hommes de part & d'autre: ce qui obligea, le Colonel Gassion de ramasser les siens, & ramenant ses trois gros ensemble au combat, la charge recommença plus furieuse que deuant, les nostres firent lascher le pied aux ennemis, en tuèrent bon nombre, bruslerent aucuns de leurs quartiers, & le 15. d'Octobre le Colonel Gassion retourna en l'armée avec quelques prisonniers.

Le Duc d'Angoulesme, & le Mareschal de la Force quitterent leurs quartiers de Bacharat & de Luneuille le 21. d'Octobre pour faire vn gros aupres de Nancy, avec le renfort que le Roileur auoit enuoyé pour donner combat au Duc Charles s'il se presentoit, mais il ne se fit aucune attaque de part ne d'autre.

Là ils eurent auis du Cheualier de Viuains, (qui ayant seruy dix ans l'Empereur, s'estoit venu rendre au seruice du Roy) que l'armée du Duc Charles estoit allée ioinde celle du General Galas, qui faisoient ensemble quatre mille chevaux & vingt-mille hommes de pied, com-

1635_029.jpg


Histoire de nostre Temps. 29

mettant mille ravages es lieux où ils passoient, & qu'ils estoient fort pressez de viures. Ce que sçachant nos Generaux, se rendirent avec l'armée sur la frontiere de Lorraine vers Vic & Moyen-vic, pour estre pres des ennemis, auxquels ils presenterent bataille trois iours durant, que le Duc Charles & le General Galas n'auoient voulu accepter, & pour n'y estre forcez s'estoient retirez dans leurs retranchemens bastionnez au delà du Chasteau de Marimont, que nos François leur auoient fait quitter en suite d'une longue escarmouche, où le Duc de saint Simon & le Marquis de la Meilleraye Grand Maistre de l'Artillerie, estans à la teste des volontaires, pousserent plus de 4000. des ennemis, tuèrent enuiron cinquante des leur, & en firent autant de prisonniers, ce qui ce fit le 7. de Novembre, apres que nostre armée eut esté trois iours en presence du General Galas en resolution de donner bataille; on reconnut bien à sa contenance qu'il n'auoit rien moins en l'esprit que de venir au combat: tout ce que ses gens firent fut de continuer leurs bruslemens & pilleries ordinaires. Et de fait le 4. Novembre mille Croatiens entrèrent dans le bourg de saint Nicolas de Lorraine, où ils exercerent toutes sortes d'impietez, sacrileges & cruautez: ayant pillé la grande Eglise, ils tuèrent vn Prestre à coups de Calice, & de chandeliers en celebrant la Sainte Messe, violerent les Religieuses ayant pris tous ce qu'elles auoient, massacré nombre de petits enfans, commirent plusieurs autres inhumanitez pires

*Escarmou-
ches contre
les gens du
Duc Char-
les, & du Ge-
neral Galas.*

*Le Bourg de
S. Nicolas
pillé par les
Croates.*

1635_030.jpg



1635_031.jpg


Histoire de nostre Temps. 31

rasfois ils firent mourir, avec grand nombre de *Cruautez*
Religieuses, à la reserve des plus belles qu'ils *inonoyes.*
emmenèrent avec eux, les menaçans de pareil
traictement qu'à leur dernière venue ils firent
souffrir à d'autres, lesquelles apres auoir violées,
ils attachèrent toutes nuës aux queue's de leurs
cheuaux, les trainant en cét estat par les ruës, &
les tuant en fin. En quoy se void l'effect des en-
nemis qui prennent le pretexte specieux de Re-
ligion aux guerres qu'ils font, ayans avec eux
des impies, des barbares & des scelerats, sacrile-
ges, bouteux, & violateurs de ce qui est de
plus sainct & de plus sacré en la Religion Chre-
stienne & Catholique.

Le 9. Decembre le Marquis des Fosse, Gouverneur de Verdun arriua à Nancy pour y com-
mander, escorté de 300. cheuaux & de 4000. *Le Marquis
des Fosse
fait Gouver-
neur de Nan-
cy.*
hommes de pied, en suite de quoy le Comte de
Barrault en sortit le 12. Ledit sieur Marquis pour
asseurer dauantage la ville de Nancy au seruice
du Roy, en fit sortir plusieurs habitans soup-
çonnez. Voyla pour la guerre faite en Lorraine
contre le Duc Charles & ses adherans.

Voyons en suite ce qui s'est passé en l'armée *Effet de l'ar-
mée du Roy
en Allema-
gne, commā-
dée par le
Cardinal de
la Valette.*
du Roy en Allemagne sous la conduite du Car-
dinal de la Valette, ioint avec elle celle du Duc
Bernard de Weimar, contre le General Galas, le
Duc Charles, & autres ennemis ioints enséble.
Dès le mois de Iuin l'armée du Roy assem-
blée au pays Messin, passa en Allemagne en
nombre de quinze mille hommes de pied, &
de quatre à cinq mille cheuaux, avec canons
& munitions necessaires.

1635_032.jpg



*Elle prend
Binghen.*

32 M. DC. XXXV.

Au mois de Iuillet s'estant approché du Rhin elle prit la ville de Binghen, & le Chasteau de Russelsheim au Palatinat, ce qui facilita les moyens aux François de secourir Mayence en cas de siege, & de tirer des secours du Lantgrauue de Hessen, & du Duc Bernard de Weimar, qui auoit ietté dans Saxenhausen, forteresse proche de Francfort deux Regimens, l'un du Duc de Wirtemberg, & l'autre du Colonel Bastilly, avec 500. cheuaux sous le Colonel Rose, outre la vieille garnison qu'y commandoit le Colonel Vicetum, pour empescher la conclusion du Traicté de Francfort avec l'Empereur.

Au mesme temps l'armée du Lantgrauue de Hessen Cassel, de Spetreuthert, & du Duc Guillaume de Weimar, ayant fait leuer le siege de Hanau aux Imperiaux, se mirent en estat de venir ioindre l'armée du Roy commandée par le Cardinal de la Valette, pour ensemblement s'opposer au General Galas assemblant toutes ses forces à Wormes, qu'il auoit choisi pour magasin & place d'armes.

*Dessain de
Galas de rui-
ner le pont de
Mayence,
empesché.*

Il auoit dessain de ruiner le pont de Mayence, qui rendoit libre à l'armée François le commerce des deux riuies du Rhin; mais le Cardinal de la Valette, & le sieur de Feuquieres se portas lors par tout où leur presence estoit requise, & ioians eux mesmes des mains, s'y montrèrent tellement soldats, qu'il n'y en auoit en ce rencontre aucun des leurs qui ne portast un cœur de Capitaine. L'execution de cette entreprise auorta: ce qui tourna la pensée de l'ennemy d'un autre costé, & le fit resoudre d'assiéger Sarbruk,

Image issue du site mercurefrancois.ehess.fr - Cliché (c) Cécile Soudan